

ANIMADVERSIONIS 2

IN FRANCISCVM VIETAM

A CLEMENTE CYRIACO

NUPER EDITÆ,

BREVIS Διάκρισις.

Per ALEXANDRVN ANDERSONVM.



PARISIIS,

Apud *Ioannem Laquehay*, in monte diui Hilarij,  
in Arcâ Albretiâ Anno.

---

M. DC. XVII.



AMPLISSIMO PRV-  
DENTISSIMO, AC DOCTISSIMO  
viro, Domino suo, Domino Iacobo, Augusto  
Thuano, Regi Christianissimo à Penitioribus  
Consilijs, Regij Consistorij Consiliario, Supre-  
mique Senatus Iuridici Parisiensis, Præsidi dignis-  
simo, &c.



*SUNT* quedam ingenia ita nata, (vir  
Amplissime) ut ex varijs medijs, quæ  
ad actionum humanarum ab omnibus  
expetitos fines, laudis & gloria, nos du-  
cunt, (tum præcipuè in hac digniore, ac  
diuiniore animi culturâ) illos potissi-  
mum aditus tentent, quibus, ex Magni  
& laudati alicuius nominis reprehensione, gloria iam me-  
ritis debita, partem aliquam, sibi vendicent. At sapenu-  
merò, id consequuntur, ut quæ ad Magnorum virorum  
famam diluendam, & illustrandam suam, proponunt in-  
uenta, ea <sup>recedunt</sup> clarioris lucis radijs obiecta, & per-  
fusa, subito evanescant ac diffuant: & quod laudis inde  
sperabāt, id sibi iam in dedecus conuertatur. Virum iam à  
multis sæculis Maximum, in earum rerum inuentione,  
quæ hæcenus mortalibus incognita latuère, eximia qua-  
dam ingenij vis, & solertia supra modum perspicax,  
Franciscum Vietam doctissimis quibusq; commendauit:  
qui animaduersionibus iam suis, primos statim stili sui im-  
petus, in tantum virum dirigit, non ille laudis aut gloriæ  
mediocritatem aliquam, sed excellentiam quandam, ex  
hoc certamine sibi affectare videtur. Quam perspicaci in-

genio fuerit Vir tibi quondam Notissimus, Franciscus Vieta, pluribus tibi notis cognitum, ex tuo ipsius ore audisse me memini. nullos quantumuis densâ caligine inuolutos notarum gryphos significandis animi sensibus, ignoto sibi licet idiomate, artificiosissime excogitatos, quin facili ille labore, quâ præditus erat solertia, detegeret: Imò nihil in rerum natura tam abstrusum, quin dignosceret, quid in eo perscrutando possint humani ingenij vires. Itaque te litteratorum decus, & Musarum, pene solum iam in his oris præsidem Et hospitem, hic compellare sum ausus, ut qui Juri dicundo in supremo Potentissimi huius regni Senatu, Præsides, de hac in Franciscum Vietam, virum tibi olim familiarius cognitum, tum Mathematicorum longe subtilissimum, animaduersione, sententiam feras. an Problema, cuiusmodi ille centena vel lapsu unius hora, expedire potuisset, non satis accurate demonstrarit. Quod si angustia rerum mearum ac tenuitas, conatibus meis, publico fortasse profuturis, non inuideret, nouâ, expeditâ & facili, Triangulorum Sphæricorum Stereometria à me nuper excogitata (cui fundamento, innititur Nobilissima scientiarum Astronomia) debitum tibi obsequium, iam testari potuissem Interim, studium illud tuum in virum apud omnes nationes laudatissimum, tibi quondam familiarem, & pietas iam tua in Manes tibi charissimos, hoc quidquid est muneris, meque tibi acceptum fore, in spem aliquam inducunt: quod si obtineo, tam propensa in immerentem comitas, ad ampliora prouocabit. Vale.

Amplitudini tuæ  
obsequentiſſimus

ALEXANDER ANDERSONVS.



ANIMADVERSIONIS JN  
 LAUDATISSIMVM VIRVM FRANCISCVM  
 VIETAM nuper edita, à Clemente Cyriaco,  
 BREVIS Διάκρισις.

Per ALEXANDRVM ANDERSONVM.



VIDEbeat subtilissimi viri FRANCISCI VIETÆ ge-  
 nio, tota Mathematicorum schola, testantur admirandæ  
 subtilitatis monumenta, veterum quorumcunque hoc  
 artificio celebriorum inuentis, siue subtilitate & acumi-  
 ne indicij, siue congruâ dispositione ac methodo, siue de-  
 nique concinnâ & perspicuâ sibi que peculiari propositi-  
 onum, demonstrationumque elegantia, neuiquam ces-  
 sura, quorum nonnulla ipso adhuc viuentē, aliqua post-  
 quam ē viuis excessit, doctissimorum in se admirationem rapuerūt: pleraque  
 nec dum in publicum prodire, quorum vel solis nominibus, in summam ani-  
 mi alacritatem, spemque lætissimam erigimur, nobilissimam hanc scientiam,  
 optatos iam a multis seculis consecuturam progressus. Consumatam tandem  
 percipietis (ô NOBILES ASTEROSCOPI) suauissimam illam cælestium  
 corporum Harmoniam, idque ab ipsis petitam fundamentis, Genesi scilicet li-  
 nearum sinuosarum, quas corpora illa lucida, suis quæque circulis circum nos  
 ducta, perpetuis *Συνογραφαῖς* effingere possunt. Speciatim vero quâ viâ tam  
 implexæ circularū & circellorum ambages, lineas illas ex superficiē conicæ se-  
 ctionibus natas, Parabolas, Hyperbolas, Ellipses producat. quod ne somnia ve-  
 re quidē veteres nec recentiores Astronomi, ex quibus Astronomia, Scientia-  
 rum Nobilissima, debitam tandem gloriam sperare potest, quantum capiet in-  
 crementum Analytices ars ingeniosissima, ex notis prioribus & posterioribus  
 illis, priori parti quæ in Zetesi exercetur illustrandæ, his, Poristices & Exegeti-  
 ces (nisi recte coniicio) præceptis interpretandis, superesse quoque audimus  
 Angularium sectionum libros tres, tunc septem qui adhuc nobis defuere Va-  
 riorum, qui rem Mathematicam auctam, saluamque enipitis, coite, & unanimi  
 voto, Ditem hunc, Pretiosissimi thesauri custodem, vestris precibus ac inter-

cessio nibus, aut si quo alio id licet impendio, victum & exoratum date. Licet enim ad Autoris mentem non sint illa elaborata, absoluta, aut perpolitata, prima tamen ab hac manu lineamenta, subtilissimos ductus nostros, & anxius laboribus, ac tediosis vigilijs à nobis efformatos, longe transcendunt. Si quid adhuc supersit, quod subtilis ingenij *expressio* minus redoleat, non est quod nostris in eum animaduersionibus, nobis inde laudem aliquam aut gloriam captemus, quasi summo nos viro non modo pares, sed & superiores ostentantes, merito cum honore quo nosmet induamus, exuere velimus: quum inuidiam & calumniae iniurias, tanti viri fama supergressa sit. Imò si quid leuius, à viro grauioribus pro Republica negotijs impedito, exciderit, clementius ac benignius interpretari, nostrum potius fuerit, quam censorià in id notà animaduercere. quòd à viro aliqui Doctissimo, Clemente Cyriaco nuper tentatum, qui quum in aliū huius æui celeberrimum Mathematicum, Marinum Ghetaldum Patritium Ragusinum, tum impriuus in Franciscum Vietam, triplici notà animaduertit. Id vero, quo iure, quàmue iniurià, pro mea, in vità laudatissimà defunctum, pietate, hic disquirere statui.

Problemata quæ sibi proponit discutienda Cyriacus, à magni nominis Mathematicis, Ioanne Regiomontano in suis Problematis, Nonio in sua Algebra, suo modo analytice explicata, postea à viris Maximis Francisco Vieta in appendice Apollonij Galli, & Marino Ghetaldo in suà variorum problematum Sylloge, methodò Geometricà exactissime demonstrata fuere. Hasce Vieta & Ghetaldi demonstrationes, non satis acutatas statim sub titulo sui libelli subindicar Cyriacus, imò à se diligentius elaboratas: atque hinc fortasse, nobilitatis hæc præ cæteris problematis origo. (Nobilissima enim duo Problemata.) titulus prima fronte exhibet. At alia sunt quoque problemata, à Regiomontano, methodo sibi vsitatà Analyticà, exposita, quorumq; demonstrationes Geometricas non videtur tenuisse, ab eodem Vieta Geometricè demonstrata, (quale esteiusdem appendicis primū.) quæ cum hisce Nobilitate certarint, nisi quod tuam nondum subierint censuram. An vero summi Mathematici Francisci Vieta conatus, tua (vt aus) superarit diligentia, (quà notà non leui maculà laudatissimi viri splendori detraxisses fortasse, si doctissimis quibusque inco- gnitum hæctenus fuisset nomen.) æquis iudicibus pronuntiandum relinquo.

Clarissimus ac Doctissimus vir, Marinus Ghetaldus, quum mortali adhuc vità fungatur, suæ causæ pattocinio fortassis non deerit, de hac in se animaduersione plenius edoctus. Itaque Clementis Cyriaci in Vietam animaduertentis, verba integra in medium profero.

### Animaduersio Prima.

- " Verba illa, inter propositionem & constructionem problematis media, à medio fortasse tol-  
 " lenda sunt, præferunt enim quandam exceptionis non legitimæ speciem, eoque magis,  
 " quod in ipsa constructione legimus, tangi aut secari circulum intervallo  $KL$ , descriptum,  
 " ex cautione adiecti problemati: quasi linea rectis angulis à media basi descendenti, eum  
 " circulum aliquando effingat, atqui non tam cauendum quam demonstrandum illud vi-  
 " detur.

Siccine (Clemens Cyriace) Franciscum Vietam, acutissimi Geometræ offi-

cio perfunctum, inclementer tractas? (quod profecto *κρυμμενόν* non est.) verba  
 illa ē medio tollenda censes? Imò verò tantum abest, vt ē contra ego necessariò  
 eo loco adhibita esse contendam. Nouisti ne problemata quæ determinatio-  
 nem patiuntur, necessario suis munienda *δορισμοῖς*? vt discernatur possibile ab  
 impossibili, atque ita quod proponitur legibus *ἡ γὰρ πάντος, καὶ αὐτοῦ & καὶ  
 ὁλὸν πρῶτον* reddatur obnoxium. Si quis tibi proposuerit Data: Basem triangu-  
 li, Altitudinem, & Rationem crurum, ex quibus inueniendum sit triangulum, sit  
 autem altitudo data eius conditionis, vt lecta base pro ratione crurum, rectan-  
 gulum quod sit sub segmentis, applicatum ad altitudinem, parabolam reddat  
 minorem differentia segmentorum basis: dixeris ne eo casu problema esse  
 impossibile? id verò tu ipse demonstras. Igitur propositioni necessario adhiben-  
 da hæc cautio est, vt sciatur quænam data requirantur, vt ex iisdem inueniatur  
 quæsitum, quum ex quibusvis, problemati satisfieri non possit. Sic Euclides,  
 quum proponit ex tribus datis rectis lineis, triangulum construere: Præcauet,  
 binas vtunque sumptas relictà maiores esse debere: quum alioqui problema  
 sit impossibile. an ideo Euclidis præcautio, quia necessaria est ad problematis  
 constructionem, obliteranda & ē medio tollenda est? Imò quo tu iure in Vietâ  
 animaduertis, eodē in te hic animaduertere liceat, tollendam scilicet hanc tuam  
 animaduersionem: est enim exceptio illa necessaria, ideoque & legitima. at  
 quod in constructione legis, (tangi aut secari circulum intervallo KI. descri-  
 ptum.) quum ex determinatione cautum sit, latitudinem ortuiam ex applica-  
 tione dicti rectanguli sub bascos segmentis ad altitudinem, maiorem esse debe-  
 re ipsa segmentorum differentia: oscitantiam signat aut ignorantiam Anagno-  
 stæ, cui Vietâ sua aduersaria remissenda commiserat, qui (*maius*) & (*non minus*) in-  
 differenter habuit. scripserat enim Vietâ, quòd in problematis constructione tu  
 repetitum notas, ortum ex illa applicatione, debere (*non minus esse*) differentia  
 segmentorum basis. quum possit eidem differentie esse æquale. quum scilicet  
 recta ad basin in bissectionis puncto perpendicularis, circulum super dictâ pa-  
 rabolâ descriptum tangit: cuius tu ipse *παράδωγμα* exhibuisti, ac demonstra-  
 sti, lineam sic descendentem à media base, eum circulum effugere non posse.  
 itaque necessario adhibita est cautio. neque vero si id Vietâ non demonstrauit,  
 animaduersione tua dignius erat; nam vel rudioribus, ex constructionis, demon-  
 strationisque processu, manifestum ac obuium, præmonuisse satis habuit. quum  
 ex concursu duarum rectarum, vnus à vertice trianguli per punctum vbi basis  
 secatur pro ratione crurum, alterius per punctum sectionis eiusdem basis in seg-  
 menta æqualia, ad eandemque basin perpendicularis, demonstrationis vis po-  
 tissimum dependeat: in quo puncto, concurrere quoque debet semicirculus su-  
 per dictâ superius parabolâ descriptus, cum dicta ad basin perpendiculari, eandē  
 in partes æquales secante. & non licuit Vietæ viro supremis Reipublicæ  
 munijs quondam occupato, quod gregario cuiuslibet licet Mathematico? sua in-  
 uenta, suo modo ac methodo proponere ac demonstrare, nisi aliorum iniquas,  
 (si ad eorundem mentem suos non efformauerit factus) animaduersiones in-  
 currat. Quin potius, si quid concisâ nimis breuitate non ita perspicuum pro-  
 tulerit, id paraphrasi aut commentarijs humanis esset illustrare, quam fastuo-  
 se, demonstrationem ab ipso non satis accurate repræsentatam, diligentius iam  
 à te elaboratam profiteri. Quare iniqua, nec crimine vacat prima tua animad-



uersio, quum problema illud Vietæ, sit ex numero  $\tau\omega\upsilon \sigma\tau\alpha\rho\iota\sigma\mu\epsilon\nu\omega\upsilon$ . itaq; nec ex quibuscumque datis petfici aut absolui potest: quare necessario immediate post ipsam propositionem, antequam ad constructionem accedatur, præmonendum, quænam data idonea sint, ut propositis satisfiat. est igitur exceptio legitima & æqua, animaduersio vero tua iniqua. at quod ab amanuense exscriptore irrepsit mendum, & ex ipsius demonstrationis contextu, Vietam constat aliter scripsisse, corrigetur si pro voce (*maius*) substituaturs (*non minus*.)

Secundâ tuâ & teriti animaduersionibus, nihil aliud quam in hunc Vietæ  $\sigma\tau\alpha\rho\iota\sigma\mu\epsilon\nu\omega\upsilon$  commentaris, quare commentatori debitz, tibi cedant gratiæ.

Cæterum: in tuis analyseon formis nihil profers noui, quod viam in hac arte minus exercitatis, reddat expeditiorem. Quidquid hic ostentat artificij, in vñ versatur parabolisim, de quo nos monuit Vietæ in Isagogicis, & quem nemo iam nescit, qui vel prima huius artis rudimenta didicit. Quin si in numerosa Analyse quiescimus, hæc magnitudinum quæ per species, Alphabeticas scilicet indicantur literas, tam frequens applicatio & depressio, tediosa magis est quàm iuuat: præsertim quum numeri iidem nullam non induant speciem. At in continuis, vel ex rationis diuisione, vel compositione, vel denique ad communem altitudinem applicatione, in gradibus inferioribus subsistere, aut etiam, ex altioribus licet descendere in depressiores. Quorum omnium exempla, qui attentius Theonem, Apollonium, Pappum, & reliquos veteres Geometras perlegunt, satis perspicunt.

At in secunda tuâ Analysi primi problematis, vide-sis, an ipse tu animaduersione diuor sis, quam vel Vietæ, vel Ghetaldus; æquationis namque illius quam ex solidorum comparatione elicis, Amphiboliam, detectam oportuit: quod quum non præstes, patere legem quam in alios ipse tulisti. Est enim æquatio illa, in qua,  $L$  in  $A$  minus  $A$  quadrato, æquatur  $M$  quadrato,  $\alpha\mu\phi\iota\sigma\lambda\omicron\varsigma$ : quemadmodum æquationes huius generis omnes, in quibus potestas negatur de homogeneo sub gradu; itaque discutienda tibi fuit amphibolia, & uterque de quibus explicari potest terminus, etat exhibendus, quum ex utroque satisfieri quoque possit problemati, pro duplici, quod ex ipsdem datis constituitur triangulo, in figura enim prima animaduersionis tertiz, potest tuum illud  $A$  esse, vel semisse differentiz segmentorum basis, quæ sunt à perpendiculari  $N$   $O$ ; (quod tu tibi ex Regiomontano Thema proposuisti) vel in triangulo  $BFD$  eiusdem figuræ, potest  $A$  esse composita ex semisse baseos  $CB$ , & recta  $BP$ , inter basin trianguli, & perpendicularum  $FP$  extra triangulum intercepta. posita enim composita illa  $A$ , erit quadratum rectæ  $A$  minus  $C$  semisse, vna cum perpendiculari quadrato, æquale quadrato lateris minoris, & eiusdem  $A$  plus  $C$  semisse quadratum, vna cum perpendiculari quadrato, æquale erit quadrato lateris maioris: deinceps vero, succedet ut te ordinata est æquatio.

Quare, quod subiungis, in Amphibolis quidem, in quibus latitudo orta ex applicatione rectanguli sub segmentis basis pro ratione crurum scilicet, ad perpendicularum, maior est semisse differentiz eorundem segmentorum basis, ipsæque non omnibus, sed quibusdam, quorum scilicet anguli ad basin non sunt homonymi, sed alter acutus reliquis obtusus, nisi emendetur, falsum est: nimirum, illud  $A$  in Æquatione tua, esse partem dimidiz  $C$ , quum hic ostensum sit posse maius esse dimidia  $C$ .



At quum uterque angulorum ad basin est homonymus, obtusus nēpe, (quod fieri posse, tu animadversione tertiā annotasti) tum in secundā animadversionis tuæ casu, proflus est falsum, nec emendationem adimittit. In illis siquidem posita C base, B, perpendicularo, & instituta eādem proflus qua tu methodo Zetesi, donec tandem prodeat æquatio  $Lin A \text{ minus } A \text{ quadrato, auale } M \text{ quadrato}$ : illud A, est alterutra recta composita ex C semisse, & recta intercepta inter angulum obtusum, & perpendiculararem à vertice trianguli in basin, extra triangulum demissa.

Imo verò, angulorum ad basin vno recto existente, altero obtuso, potest illud A, in triangulo rectangulo, (ex tua æquatione, enunciari de ipsius C baseos, semisse, tanquam de latere vel Radice vna, & erit eo casu, radix eiusdem æquationis altera, composita ex C semisse, & recta inter angulum obtusum, & perpendiculararem extra triangulum interiecta, in triangulo reliquo amblygonio, ex ijsdem datis constructo.

At in reliquo casu, quum dicta sapius latitudo ortina, vt in tuo animaduersionis secundæ diagrammate I.M, æquatur differentia segmentorum basis, pro ratione crurum sectæ, euanescent omnis amphibolia; & ex datis, simplex tantum offerri potest triangulum; quia semicirculus LDM, tangitur in vno solum puncto, à perpendiculari OD, ideòque & vnica tantum datur recta, angulum verticis BGC per æqualia diuidens, ex qua problemati satisfieri possit. Quare in illo casu, ex tua analysi secundæ, quum  $Lin A \text{ minus } A \text{ quadrato, æquatur } M \text{ quadrato}$ , est A (composita scilicet ex baseos, semisse, & recta HB in proximè citato diagrammate, inter perpendicularum GH, & latus GB intercepta) æqualis ipsi M medix, siue in dicto diagrammate ipsi CO: ac proinde extremit ad mediam & inter se, sunt in ratione æqualitatis. quod non animaduertisse, impingere te fecit in leges Apodicticas.

In Amphibolis autem, ex vna radicum binarum, de quibus explicari potest æquatio, deducitur triangulum primum, ex altera reliquum; quod hic annotasse fuerit operæpretium.

Ex his satis superque patet, nihil hic reperiri quod Vietæ virio verti possit: itaque si commentatione, at certe animadversione non erat dignus. Quare felicissimis Viri Maximi Francisci Vietæ Manibus, debitis persolutis factis, hie sisto, nec reliquas, siue tuas, siue alienas, quas cogeris analyses, ulterius discutio.

V. S. I. M.

Vt tamen Geometris nostris de hoc Problemate plenius satisfiat, placuit adnectere hoc

Catholicum ad Problema Francisci Vietæ.

## P O R I S M A.

**D**ATA base, & ratione laterum Trianguli cuiusuis, locum exhibere, in quem incident vertices Triangulorum omnium superdatā base, datam habentium rationem Laterum.

Est hic locus vt loquitur Pappus  $\delta\tau\epsilon\zeta\omicron\delta\iota\alpha\delta\iota\varsigma$ , linea scilicet in quam semper in-

